

Et quam florentem studijs, atque arte Minerua
 Præstanti, & meritò dulces ante omnia Musæ
 Delegere sibi, hic mirè splendida nuper
 Regifico luxu, Dia Andouerpa, superbo
 Luxurians fastu, insigni celeberrima cultu,
 Nympha Europæo longè gratissima cælo;
 Et quæ tantum alias inter caput extulit vrbes,
 Quantum lenta solent inter viburna cupressi:
 Squalida nunc, omni penitus spoliata decore,
 En iacet, informi vultu, turpique veterino
 Obsita, scissa comas, referens vix virginis ora,
 Indignis lacerata modis: hinc turbidus imis
 Flexuagus placidum Scaldis caput occulit undis.

At licet ærumnis præsentibus obruta magnis,
 Innumerabilibusque malis pessundata, penè
 Succumbat defessa: tamen quandoque procellis
 Insanis, tenebris, & tempestatibus atris
 Depulsis, procul & claro mox Sole reducto
 Lumine, tempus erit, res est certissima, fallet
 Haudquaquam, rursus cum cen rediitua resurget,
 Attollensque caput celsum sub nubila condet,
 Et proiecta solo nunc marcida ferta, decora
 Cervici variata rosis reparata reponet.

At mihi quis reliquas vrbes, quas undique cerno
 Hic illic sparsas, nullo mihi tempore visas,
 (Nam nunquam externas abij peregrinus ad oras)
 Expediet? venit huc properans, en, fortè Panoptes,
 Hoc poterit: namque is, passim toto orbe vagatus,
 Plurima narravit, quæ oculis lustravit acutis.
 Ergo opportunè nobis te, care Panopte,
 Offers: dic age, & hæc edissere vera roganti.
 Hæc vrbs est quanam, celebres quæ amplissima colles
 Mœnibus includens septem complectitur altis?
 Pan. Dicam equidem, neque suspensum te amice tenebo:
 Hæc, tibi quæ ostendit Pario viuoque columnas
 Marmore surgentes, & templa ex ære columnis
 Magnifico sumptu suggesta, palatia celsis
 Diuorum templis certantia celsa, Theatra
 Ardua, Thermarum vestigia prisca, ruinas
 Murorum ingentes, veterum monumenta virorum:
 Hæc est illa potens rerum Roma, inclyta bellis,
 Et quondam augustis vaortia clara Triumphis:
 Hæc regna imperio pressit, populòsque subactos
 Frenauit, totum victrix dominata per Orbem.
 Thau. Quis verò ille amnis, gratis qui flexibus errat,
 Culta rigās? Pan. est hic, dictus quondam Albula, Tybris:
 Cæruleus Tybris, calo gratissimus. Illa,
 Ecce est præcipiti Florentia nobilis Arno,